

وماذا بعد العشر؟! | #محاضرة | د. حازم شومان

حازم شومان

اه الحمد لله وكفى وصلاة وسلاما على عباد الذين اصطفى. اما بعد اخواني واحبابي في الله ماذا بعد العشر؟ ماذا بعد العشر؟ يعني

نقطة خطيرة جدا ومهمة جدا ولازم نقف معها ماذا بعد - [00:00:00](#)

العشر. عايزين يا اخواني بقى نركز مع بعض. لان الموضوع فعلا مهم. الموضوع فعلا مهم يا اخواني رمضان شهر معظم في الامة. فقبل رمضان ماذا رمضان احنا بندي دروس رمضان من قبل رمضان بشهرين ونص. من قبل رمضان بشهرين ونص ورجب لسه مقرب بتبدأ دروس الاستعداد لرمضان - [00:00:20](#)

واول ما يدخل رمضان كيف نستقبل رمضان؟ وفي وسط رمضان كيف نستثمر رمضان؟ وفي نهاية رمضان كيف نودع رمضان وبعد رمضان الدرس او الخطبة اللي كل الامة لازم بتسمعها ماذا بعد رمضان؟ رغم ان عشر ذي الحجة اعظم من رمضان - [00:00:40](#) انا عايز اقول ان الثلاثين يوم بتتوع رمضان والعشرة بتتوع عشر ذي الحجة الاربعين يوم دول ميقات هذه الامة. فتم ميقات ربه اربعين يوما. ميقات الامة دي الاربعين يوم دول يبقى ميقات الامة ناقص يا اخواني. لما يبقى الناس ماشية في الشوارع سبحان الله العظيم انتم كم واحد الوقتي؟ يا عم - [00:01:00](#)

يا عم احنا كام؟ مية متين احنا كام يا عم الشيخ؟ حبيبي المنصورة فيها خمسة مليون. لما ربنا يقعدك الوقتي في بيته تسمع عنه ده اصطفاء من ربنا سبحانه وتعالى برة المسجد فيه ازكى منك وفيه احسن منك. وفيه عندهم معلومات في الدين عنك. وعارفين فضل العشر عنك - [00:01:20](#)

عارفين فضل حضور دروس عنك وعارفين فضل المسجد عنك ومع ذلك انت ربنا اختارك. يبقى لازم يبقى انت صاحي للقضية ديت هذا بعد العشر يا اخوان. لازم قضية عشر ذي الحجة نتعامل معها بغاية الخطورة. وبغاية الاهمية لحد ما الامة كلها تستيقظ ويتم - [00:01:40](#)

الامة العشر غيروا فيك ايه؟ غيروا فيك ايه؟ غيروا في اخلاصك ايه؟ غيروا في صدقك ايه؟ غيروا في امراض قلبك ايه؟ غيروا في عزيمتك ايه؟ غيره في وجهة حياتك ايه؟ غيروا في طريقة تفكيرك في الحياة ايه؟ غيره في عزيمتك ايه؟ في - [00:02:00](#) من عشر تيام بالزبط النهاردة ايه الحد يعني من حوالي عشر تيام بالزبط كنا قاعدين قبل ما عشر ذي الحجة وبتتكلم عن كيف نستقبل العشر وكيف نستعد للعشر؟ واتكلمت في سورة الزمر. اتكلمت على انك - [00:02:20](#)

صحح نيتك. اوعى تنوي انك هتعبد ربنا في موسم. اوعى دي مش نية يا جماعة. يا جماعة عشر ذي الحجة بداية وليست نهاية انك تنوي انها تبقى بداية. مش تنوي انها نهاية. انا هعبدك عشر تيام يا رب. انك تنوي ان دي سورة تصحيح. ان دي - [00:02:40](#) تصحيح مسار ان دي تطبيق زوايا. ان ده تصحيح وجهة في حياتك. يبقى دي النية اللي تدخل بها رمضان. اللي تدخل بها عشر ذي الحجة اللي تدخل بها اي موسم عبادة. اللي تروح بها عمرة. اللي تطلع بها حج. نية ان العبادة هنا بداية وليست - [00:03:00](#) نهاية انا يا رب هابدأ صح بقى. اللي خد النية دي من الاول يا جماعة الايام دي هتفرق في حياته كثير اوي. لانه من اول يوم فيها وهو جرب على اللي بعدها. من اول يوم فيها انا حزين ان انا باقول الكلام ده الوقتي. عارفين ليه؟ لان الكلام ده كان المفروض يتقال قبل عشر ذي الحجة. كلام خرجت من العشرة بايه - [00:03:20](#)

اوعى تخرج منها بايه؟ المفروض كان يتقال من قبلها عشان نبقى من اولها بنعبد ربنا مش بالفكر الموسمي، مش بفكر ايام تعدي بنعبد ربنا بفكر ان دي بداية وتصحيح مسار ومنطلق بعد كده زي الشلال اللي في الاول حاجة قوية هتشق لنا مجري - [00:03:40](#)

عبادة طول حياتنا زي الانهار اللي بعد الشلالات. كذلك يا اخواني في الله. اتغير فيك ايه؟ حسيت ولا لسه؟ بكيت ولا لسه؟ فهمت ولا لسه فصلت ولا لسه؟ فلما فصل طالوت بالجنود. فلما فصل خرجت فاصل فصلت في حياتك. خدت قرار - [00:04:00](#)
انك انت فصلت لطريق الاخرة. فصلت لطريق ربنا سبحانه وتعالى. الوقفات ديت هي الوقفات الوقفات اللي بتقف فيها مع نفسك. فهي دي الوقفة اللي انت لازم تاخذ فيها القرارات الخطيرة في حياتك. انا اخطر قرار اريد ان احنا ناخده وللازم ناخده في هذه الايام -

[00:04:20](#)

مش قرار ورد عبادة هيزيد ايه في حياتك رغم ان الكلام ده هنتكلم عنه دلوقتي. ايه العبادة اللي انت خرجت بها؟ ايه العمل اللي انت خرجت به؟ انما اخطر حاجة يا اخوان - [00:04:40](#)

عايزين نخرج بها حاجة جوالك. انت فصلت لطريق الاخرة ولا لا؟ اللي جواك اتغير ولا لا؟ انت هتتغير من برة لما تتغير من جوة. انت لما تفهم عزمة القضية وخطورة القضية علاقةك بالله. بعد كده حياتك كلها تبقى لله. عشان كده من عشر تيام - [00:04:50](#)
قلت لكم ان الثمرة الصغرى لعشر ذي الحجة هي الحسنات بتاعة عشر ذي الحجة. اللي هي صيام يوم بسنتين يكفر الزنوب واللي هي اليوم بغزوة قلت لكم دي اقل سمرة لعشر ذي الحجة. انما الثمرة العظمى لعشر ذي الحجة تعديل مسار الحياة - [00:05:10](#)
ياه تعديل وجهة الحياة. تصحيح خط سيرك في الحياة. شحنة وعزيمة للانطلاق في علاقتك بالله. هي دي السمرة العظمى. هي دي

السمرة الكبيرة. للاعتكافات. للمعسكرات. للعمرات. للايام التربوية. لليالي التربوية. هي - [00:05:30](#)

ثمرة لطول القيام بين يدي الله سبحانه وتعالى انك انت بتقف مع نفسك ايه اللي تغير فيك بقى؟ عايزين نقف يا جماعة ماذا بعد العشر هتعمل ايه؟ ايه العمل اللي انت خرجت به؟ ده سؤال ثاني مهم جدا. ايه العمل اللي انت خرجت به؟ قلنا قبل كده لو تفتكروا -

[00:05:50](#)

عايزين نركز يا جماعة. مش عايزين انقطاع في السير. قلنا الذين يستمعون القول فايه؟ يتبعون احسنه. عشان كده خدوا بالكم العواميد اللي هتتعمل بعد الدرس. عواميد افتح لقلبك. الدرس ده يستمعون القول. العواميد ايه بقى؟ ها؟ يتبعون - [00:06:10](#)
احسنها. الدرس ده انت قاعد مركز. وبتسمع وبتشوف. بس الدرس ده محاضرة. السيكلشن بقى فيتبعون احسنه اوعى انا هاخرج بايه؟ انا هاطبق ايه؟ ايه الروشنة العملية اللي هاخرج بها! وانتم بتتناقشوا مع بعض دي في العواميد اللي بعد الدرس عشان كده الاتنين

دول حاجة - [00:06:30](#)

كاملة مع بعض. ما ينفعش تفصلهم عن بعض. اذا قيل لكم تفسحوا في المجالس ايه؟ فافسحوا ده الدرس. وازا قيل ايه؟ انشزوا فانشزوا ده اللي الدرس بقى. ده العواميد اللي بعد الدرس بقى. ده العواميد التربوية اللي بتبقى بعده. يبقى عايزين يا اخواني في الله عايزين نرتب دماغنا في الحياة. ايه - [00:06:50](#)

اللي انت خرجت به من عشر ذي الحجة. ايه العمل؟ قلنا انك اخرج انا مش عايز مش ممكن هتعبد ربنا بعد العشر زي العشر. ولا هتعبد ربنا بعد رمضان زي رمضان - [00:07:10](#)

ليه؟ لان اللي هيعبد ربنا بعد العشر زي العشر ده المتفرغ للعبادة. زي ابو زر الغفاري كده رضي الله عنه. ده اللي صغره زي عبدالله بن عمرو بن العاص كده. ده - [00:07:20](#)

انما عموم الناس اللي مشغولة في الدنيا او في الدعوة الى الله مش هيقدر يعبد زي هذه الموازن. انما قلنا فكرة يا جماعة من قول الله ها فيتبعون احسنه. ايه احسن عبادة ربنا فتح لك قلبك فيها في عشر ذي الحجة؟ ايه؟ ايه يا حسام - [00:07:30](#)

احسن عبادة ربنا فتح لك فيها في عشر ذي الحجة ايه؟ الصيام يعني انت هتكمل في الصيام احسن عبادة في عشر ذي الحجة. صيام كمل صيام هتكمل يوم ويوم ولا هتكمل اسبوعين واسبوعين اللي هو يصوم حتى يقال لا يفطر ويفطر حتى يقال لا يصوم ولا اتنين وخميس وتلتاشر واربعتاشر وخمستاشر - [00:07:50](#)

احسن عبادة ربنا يفتح لك فيها ايه؟ الدعوة الى الله. ما شاء الله لا قوة الا بالله. ماشي يا عم. احسن عبادة ايه؟ ايه يا عم الحلال؟ انت من اهل الخطوة ولا ايه؟ ما شاء الله انت اسمك ايه - [00:08:10](#)

الله! ربنا يا حبيب قلبي يحفزك. ربنا يبارك فيك. احسن عبادة ربنا فتح لك فيها ايه؟ الذكر الله اكبر. ما هي ايام ذكر اصلا. دكتور محمد محمد احسن عبادة ربنا فتح لك فيها ايه؟ ايه؟ الصيام ايه يا رجالة الراجل اللي مخبي وشه وحاطط وشه في الارض احسن عبادة ربنا يفتح لك فيها ايه - [00:08:30](#)

ايه! الدعاء الله اكبر! الله اكبر! يبقى دعاء الاسحار بقى ودعاء الساعة الاخيرة من يوم الجمعة والدعاء بين الاذان والاقامة يبقى اخواني في الله قلنا ايه؟ لو انت من رمضان اللي فات خرجت بعبادة واحدة ايه يقول لك القيام. حلو جدا. ومن - [00:08:50](#) اذا خرجت بعبادة واحدة ايه؟ قال لك الذكر يعني جلسة الضحى بقى. ما هو الذكر ده اهم ورد فيه ايه؟ جلسة الضحى مسلا. وواحد قال لك مسلا تكبيرة الاحرام - [00:09:10](#)

اخرج من كل موسم بعمل واحد تسبت عليه في حياتك. اخرج من كل درس بعمل واحد بس تثبت عليه في حياتك. هتلاقي نفسك في خلال سنتين ثلاثة بقيت من اولياء الله الصالحين. اخرج بحاجة ركز درج ودرج وعلى الله الفرج. اطلع الطريق سلمة سلمة. اطلع الطريق خطوة خطوة. يبقى - [00:09:20](#)

ايه العمل اللي انت خرجت به؟ ده سؤال ماذا بعد العشر؟ السؤال الثاني ايه صاحب الصالح اللي انت خرجت به؟ حد يا جماعة منكم يعني في الافطارات اللي اتعلمت وفي الدروس اللي اتعلمت. اتعرف على صاحب صالح جديد في هذه الايام. وفعلنا بقى فيه صلة بينه وبينه. يا نهار اسود - [00:09:40](#)

اتنين ثلاثة اربعة خمسة عارفين يا جماعة مواسم العبادة ديت اللي زي رمضان والعشر ديت يعني انا بحس انها مواسم ايه؟ مواسم فضح الصالحين. فضيحة للصالحين. لان احنا لما بنحضر طول السنة درس ونروح ما حدش عارف. فيه واحد من الناس من الاخوة بيروح يصلي لحد ما رجليه تهرب - [00:10:00](#)

وواحد بيصلي بيروح ينام لحد ما ضهره يورم. لحد ما يصحى ضهره مثني من كتر النوم. ما هوش عارف موجعني من كتر النوم جا له انزلاق غضروفي. وواحد يفضل يصلي لحد الفجر ويبكي. فما حدش عارف حاجة عن حد. مواسم العبادة الجماعية دي بقى او الاجتماعية ها بتفضح - [00:10:30](#)

الصالحين بتفضح الرجالة. بتفضح الكنوز. فبتخلي كل واحد مننا قدامه فرصة انه يتعرف على اخوه. اوعى تخرج من مولد بلح حمص اوعى تخرج من المواسم من غير صاحب جديد. يبقى يا جماعة يا اخواني في الله ما هي الغنائم العظمى - [00:10:50](#) في مواسم العبادة. واحد تعديل نية الحياة وتصحيح وجهة الحياة. واعتبار الموسم بداية وليس اية ومنطلق للعبادة. يبقى انك صحت نيتك. حققت وجهت وجهي. رقم اتنين انك طلعت بصاحب صالح تعبد - [00:11:10](#)

ربنا معه في عشرين عشر ذي الحجة بعد كده. ويشجعك على عشرين عشرة ذي الحجة بعد كده. اما كنا في العمرة التريبة واحد فكنا بنعمل في الفندق جلسة تعارف اخوي من الضهر للعصر. في مكة. فالاخوة تقول ازاي؟ ده الصلاة بميت الف صلاة. هنقعد نتعرف على بعض. قلت لهم يا جماعة - [00:11:30](#)

الجلسة دي هتتعرفك على صحبة سالحة تخليك تعمل عشرين عمرة بعد كده. بازن الله سبحانه وتعالى. انما عمرة والوحدك خلاص فلو راحت بعد كده الغنيمة الثالثة في المواسم اللي هي ايه؟ اللي هي الاعمال الصالحة والسواب بتاع المواسم. فيه غنائم مستقبلية غنائم عمر - [00:11:50](#)

وفي غنائم تنتهي بانتهاء الموسم. الغنائم اللي تنتهي بانتهاء الموسم اللي هو السواب اللي انت عملته. الصيام اللي انت صمته. انما الغنائم اللي هتفضل تؤتي في اكلها كل حين باذن ربها طول حياتك. صاحب اللي انت خرجت به. صاحب الصالح اللي انت اتقابلت معه في العبادة - [00:12:10](#)

النية اللي انت خرجت بها ايه صاحب؟ عشان كده بازن الله احنا معتكفين مع بعض يوم. احنا من المغرب لحد بكرة ان شاء الله المغرب بازن الله سبحانه وتعالى بكرة الفطار قبل ما نغسل ايدينا. قبل ما حد يقوم من مكانه. قبل ما الاكل يتشال بازن الله وحده. لازم كلنا نكون متعرفين على بعض - [00:12:30](#)

وانت النهاردة القط يا ابني القط صاحب صالح القط انا نشن على فلان وفلان. الاتنين دول انا لازم اتعرف عليهم. اي مناسبة في النص اتعرف عليهم. وانت ماشي لو سمحت ارقامكم انتم هتتكسفوا من بعض. ده انتم اخوات يا ابني. ده انتم ما لكوش غير بعض في الدنيا. هو انتم لكم اصحاب تانيين برة يا جماعة؟ هو انتم لكم حياة تانية؟ يا اخوانا - [00:12:50](#)

مجتمع بعض لو ما ارتبطناش مع بعض لو ما اتقابلناش مع بعض يبقى احنا ما عايش لنا مجتمع. انت يا ابني من يوم ما التزمت ودخلت المسجد عدول البينة بتاعتك. بقوا دول الصحة بتاعتك. لو انت ما عشتش معهم واتعرفت عليهم وضحكت معهم. واتفسحت معهم وصليت قيام ليل معهم - [00:13:10](#)

واعتكفت معهم انت يا ابني بقيت بلا مجتمع. بقيت ما انتاش عايش. يا جماعة احنا كده عاملين زي ايه بالزبط زي شلة كده غير مبتسمة مسلاها فهم اصحاب بعض انت بقى لو ما اتعرضت على الشلة بتاعتك هتعيش وحيد في الحياة. يا ابني اتعرفوا على بعض. ده ده من - [00:13:30](#)

غنائم العظمى بتاعة مواسم العبادة. حد يقدر يقول لي تاني الغنائم العظمى بتاعة مواسم العبادة؟ احنا مش عايزين نقول كلام اه عايزين نخرج اعظم غنيمة ايه في مواسم العبادة؟ تصحيح النية وايه؟ وتصحيح - [00:13:50](#)

في وجهة وجهت وجهي دي النية. كلمة النية دي كلمة كبيرة اوي. النية دي يعني انت ناوي على ايه؟ انت وجهتك ايه؟ انت رسالتك في الحياة ايه انت عاوز ايه من الدنيا دي؟ يبقى تصحيح النية صح. نية سورة الزمر. انا مش بتاع مواسم. انا المواسم بتاعتي منطلقات - [00:14:10](#)

شحن الغنيمة الثانية في مواسم العبادة ايه؟ ها؟ اه آآ الغنيمة الثانية ايه؟ لأ الغنيمة الثانية اخوة صعبة صالحة. قلنا ان الغنيمة الاولى والثانية دول ايه؟ غنائم امتدة مدى حياتك. دي الغنائم اللي هتفضل الى ان تموت تجني ثمارها. انما الغنيمة الثالثة اللي هي اللي هي العمل الصالح - [00:14:30](#)

بقي في هذا الموسم الغنائم اللي تنتهي بانتهاء هذا الموسم. وهي عظيمة طبعاً ودي ان شاء الله معظم الناس بيدخل الجنة بها اصلاً. يعني معظم الناس لولا مواسم العبادة. رمضان والعشر. ولولا الابتلاء تسعين في المية من الناس ما كانش ممكن يعرف يدخل الجنة. على الاقل يعني. لولا الابتلاء - [00:15:00](#)

اللي الناس بتضيق به وبتزعل منه. اللي ممكن نص اهل الجنة يدخلوا بسببه اصلاً. ولولا مواسم العبادة يعني ممكن كان تسعين في المية من الناس ما كانش يدخل الجنة. سبحان الله العظيم - [00:15:20](#)

من رحمة ربنا الاتنين دول. فاذا العمل الصالح في هذه الايام ده الغنيمة الثالثة نرتب دماغنا يا جماعة. عشان نعرف عشان طب ما تحاسب نفسك بعد عشر ذي الحجة تفهم انا خرجت بايه؟ انا اشتغلت في العمل الصالح. جميل يا حبيب قلبي. بس مش انت. الله! امال مين؟ اللي - [00:15:30](#)

فرج بصحة صالحة. اللي غير وجهة حياته ونيته وصح مسار حياته. يبقى خرجت باخ صالح ولا لا؟ لسة تمانية واربعين ساعة على عشر ذي الحجة. واحنا مع بعض اربعة وعشرين ساعة بازن الله سبحانه وتعالى. قاعدين في بيت ربنا هنا هو. اوعى تخرج من المولد دهو بلا حمص. اوعى يا ابني - [00:15:50](#)

اوعى حبيب قلبي الشاب الفاسد اه هو بيتعب في اول بنت يتعرف عليها. بس صح ولا لأ بيتبهدل اما بيعرف يتكلم اول ما يدخل وبعد كده هي بتعرفه على متين بنت صح ولا لأ؟ فهي القصة كده انت بتتعب في - [00:16:10](#)

اول صاحب صالح تتعرف عليه. بتتعب بس. انك بعد كده هو بيعرفك على كل اللي يعرفهم. بتبقى شبكة علاقاتك. فبتنقي بقى مين المجتهد مين التواب؟ مين القوام؟ مين الورع؟ مين الراجل؟ مين الشهم؟ مين اللي شغال في الدعوة؟ انت عايز كام واحد فيكم عايز يشتغل في الدعوة - [00:16:30](#)

كلكم عايزين يشتغلوا في الدوا. انت عارف اقصر طريق في الحياة بازن الله لشغلك في الدعوة ايه؟ عارف ايه؟ انك تصاحب اخ مش الراجل ده بيقول لك انا خرجت من الدعوة ها لو صاحبت واحد شغال في الدعوة باهت. يقول لك ده انا بانزل مش عارف يوم

ايه. ده انا باعمل جولة يوم ايه. ده انا مش عارف - [00:16:50](#)

خلصت. واحد قام عامل لك ايده كده اهو. حطيت رجلك عليها وقمت طالع. خلصت. مين فيكم عايز يقوم الليل؟ ها عارف اسهل طريقة لقيام الليل ايه؟ انك تصاحب واحد قوام. خلاص هتتخرط حياتك على حياته. يا جماعة الصحة دي نقلة نقلة - [00:17:10](#)
اول يوم قعدت مع الشيخ امين الانصاري اول مرة اتعرفت عليه في حياتي. كنت في مسجد الشيخ محمد يعقوب كنت قاعد ايام هناك يعني. آآ عند الشيخ اتعرفت عليه. سمعت - [00:17:30](#)

منه خمس دقائق كان بيتكلم عن تضحية سيدنا ابراهيم عشان ربنا حسيت ان انا طلعت عشر سنين في التزام. عرفت يعني ايه صاحب صالح خفت ان الصاعد ده نقلة في حياتك. بس لما هتعرفه مينين؟ لما تعيش وسط البيئة. لما تدخل في دم الملتزمين - [00:17:40](#)

لما تدخل في جوة هذه البيئة خرجت بايه؟ يا جماعة احنا في ليلة عرفات وبكرة عرفات بازن الله سبحانه وتعالى. من عجائب عرفات
عجائب آيات القرآن قول الله سبحانه وتعالى فاذا افضتم من عرفات فاذا افضتم من عرفات يا سلام بقى والناس خارجة من عرفات
يا مختوم - [00:18:00](#)

احنا جايين هنا بنقلدهم. احنا جايين هنا يا رب احنا قاعدين في الجوامع ومعتكفين زيهم يا رب. يا رب اللي هتديه لهم اديه لنا يا رب. يا رب ما منعنا الا العجز. يا رب لا تدوا لهم الذل. احنا جايين نتمحك في هالعرفات يا جماعة
الوقتي. هو ده المقصد بتاع كل ليلة ديت - [00:18:20](#)

فات ربنا بيقول فاذا افضتم من عرفات والناس جاية جيوش بقى حاجة منزر الخروج من عرفات ده منظر منظر تبقى عايز تزغرط
يعني من فرحتك بمنزر الامة وهي خارجة جيوش مجيشة كده ما شاء الله بنوصل مزدلفة والناس لسه في عرفات بتخرج - [00:18:40](#)

فاذا افضتم من عرفات فاذكروا الله عند المشعر الحرام اللي هي مزدلفة بقى اللي بيباتوا عندها بعد عرفات. واذكروه كما هداكم وان
كنتم من قبله لمن الضالين. ثم افيقوا من حيث افاض الناس وايه واستغفروا الله. يعني ايه افيضوا من حيث افاض الناس؟ جمهور
العلماء - [00:19:00](#)

جمهور المفسرين اه كما ذكر ابن الجوزي في زاد المسير جمهور المفسرين ان افيضوا اي افيضوا من عرفات واستغفروا الله يا رب ده
عرفات الاذان جميل قوي يا جماعة مش كده؟ كلمات الاذان جميلة تحس كده - [00:19:20](#)
دينا جميل قوي. اذان جميل. اذكار الصباح والمساء جميلة. الصلاة جميلة. القرآن جميل. دينا جميل قوي. سبحان الله! اللهم لك الحمد.

جنة جنة والله ان المتقين في ايه؟ جنات في الدنيا قبل الاخرة. العبادات دي جنات. بس مين اللي يؤذن له - [00:19:40](#)
ادخلها. مين اللي يفتح قلبه على معانيها؟ فاذا تم افيضوا من حيث افاض الناس واستغفروا الله. من حيث افاض الناس واستغفروا
الله. يا رب استغفرك فاذا يوم عرفات ده يوم المغفرة. يا رب بعد عرفات استغفار. يا رب ده انا خارج كيوم ولدتي امي من عرفات - [00:20:00](#)

استغفار اذا كان بعد يوم المغفرة الاعظم ربنا قال لك استغفر. امال يا جماعة في باقي الايام نعمل ايه؟ واذا كان ده الاهل عرفات امال
احنا نعمل ايه؟ يا اخواننا ماذا بعد العشر؟ الاستغفار والانكسار. يجب الا تزيدك الطاعة الا انكسارا - [00:20:20](#)
ولا تزيدك الاسباب الا افتقار. لا تزيدك طاعة ولا انكسار تبقى مكسور لربنا. تخرج من عشر ذي الحجة. عشان كده واحد يقول لي

استغفر من ايه؟ اتوب من ايه؟ تتوب من الكبر اللي بييجي في قلوبنا بعد العبادة. انا صمت وقمت واعتكفت تتوب من الكبر - [00:20:40](#)

اللي بييجي في القلب بعد العبادة. العبادة لو صحيحة لو سليمة اللي بييجي في قلبك بعدها انكسار. عايز تعرف عبادتك صح ولا لا
عبدت ربنا عبادة مثمرة ولا لا؟ لو عبدت ربنا عبادة مسمرة بقلبك هتتحس بعدها انك انت يعني زي اللي طلع - [00:21:00](#)
الم الدور العاشر للدور العشرين فشاف اكثر فانت لما عليت في العبادة شفت زنوبك اكثر فتطلع مكسور اكثر. عشان كده سمعنا واطعنا

ايه غفرانك. غفرانك ربنا. الله ده انا اطعت. فاستقيموا اليه وايه؟ استغفروه الا اذا استقامت. واطيعوا الله واطيعوا - 00:21:20

وايه؟ واحذروا مش وابشروا واحذروا احذر انك تقع. احذر انك انت تنزل احذر ان الشيطان يضحك عليك تاني احذر انك ترجع

للكسل والتوهان تاني. احذر انك ترجع للنوم تاني. احذر انك ترجع للبعد عن الله تاني - 00:21:40

احذر انك ترجع لغفلة القلب عن الله تاني. احذر انك تموت تاني بعد ما ربنا حياك. سبحانه وتعالى. اطيعوا الله واطيعوا الرسول

واحذروا عشان كده بعد الصلاة استغفر الله استغفر الله. ليه؟ لازم العبادة تزيدك انكسار. اخر سورة نوح بعد تسعمية وخمسين سنة ده

- 00:22:00

رب اغفر لي ولوالدي. اغفر لي. بعد سبعمية وخمسين سنة دعوة لا تزيدك الطاعة الا انكسار. سورة المزمّل بعد تلتين الليل قيام.

واستغفر الله اخر اية واستغفروا الله ان الله غفور رحيم. وربنا اللي سائل ان ربك يعلم انك تقوم ادنى من ثلثي الليل. واستغفروا الله.

او عى - 00:22:20

تمن على الله بعملك. يبقى تتوب من الكبر اللي بييجي في القلب بعد العباد. اتوب من ايه تاني؟ تتوب من معاصي السريا اخي.

معاصي السريا ازي ذهبي ما انتاش عارف يعني ايه معاصي السريا؟ اه لما الواحد بقى يبقى لوحده في البيت وكده وانت في الشارع كل

نزرة حرام معصية سر ده ربنا سماه خيانة خائنة - 00:22:40

ده انت خاين. تتوب من معاصي تتوب من معاصي القلوب. امراض القلوب اللي جوة قلبك وانت عارف. قلبك ما في هوش رياء. قلبك ما

مش نفاق قلبك ما في هوش امراض؟ قلبك ما في هوش تعلق بغير الله؟ قلبك ما في هوش سوء زن بالله ساعة ما بتبتلى والابتلاء يزيد

عليك. توبة الى - 00:23:00

والمعاصي قلوب ابليس بعد سبعين الف سنة عبادة انتكس. ليه؟ قلبه فيه امراض اللي في قلبه امراض ومش هيواجهها في يوم من

الايام هتوقعه الشيطان ساعة الموت هيووقعه بسببها. ما هو فتنة الممات ان الشيطان يشكك في عقيدتك ساعة الموت. والعياذ بالله.

عشان كده النبي عليه الصلاة والسلام قال - 00:23:20

واعوذ بك ان يتخبطني الشيطان عند الموت. يتخبطني الشيطان يعني بقيت عامل زي الكورة. الشيطان بيلعب بك. والعياذ بالله. فيه

ناس اللي ما اهتمش بقلبه الشيطان بيلعب له الكورة ساعة الموت الا ان يعصمه الله. يبقى تتوب من معاصي القلوب قبل ما تقع

بسببها. عشان كده تلاقي - 00:23:40

اقف لن انتكس يا ابني ما انتكس هو بقى له سنتين قلبه فيه امراض بس هو اللي ساكت. فبقى عامل زي العمارة اللي مشرحة ومش

عايزين يرموها قامت توقع على دماغ اللي فيها. تتوب الى الله من معاصي النفوس. الحسد. الكبر. الغيرة. الغل. الحقد - 00:24:00

تب الى الله الانا تتوب الى الله من معاصي النفوس. ده النبي عليه الصلاة والسلام بيقول لك لا يدخل الجنة من كان في قلبه مثقال

ذرة من كبر. مثقال ذرة من مرض واحد من امراض النفوس يدخل جهنم. امال بقى اللي معبي تتوب الى الله من معاصي النفوس -

00:24:20

تتوب الى الله من معاصي قبل الالتزام. الله! ما نسبت! سبت غير تبت! سبت غير توبت! انت سبت! انما مش تبت ممكن واحد وهو في

سانونية عامة كان بيمشي مع بنات مسلا لما دخل جامعة ما حدش يمشي مع بنات ليه؟ هو في دماغه انه عيب هو بقى راجل محترم

في الحتة بتاعته فعيب انه يعمل كده - 00:24:40

ما عدش عيل صغير. فهو ده واحد ساب مش تاب. يبقى انت لازم تجدد التوبة من معاصي ما قبل التزامك. تتوب من ايه؟ تتوب من

معاصي فرائض فرائض يا ابني انت كل صلاة فجر راحت عليك ده فريضة يا ابني. اللي بيزبط المنبه على الساعة تمانية الصبح على

معاد محاضرة ولا شغل. وهو ما زبطوش على الفجر ده - 00:25:00

مرتكب كبيرة من الكبائر. ابن باز قال كافر. ابن باز قال كافر. يعني ده لما باقول لك كبيرة ما تقولش ايه الشدة دي! ده ابن باز رحمه

الله قال هذا - 00:25:20

اللي ييزبط المنبه على تمانية الصبح وما ييزبطوش على الفجر. ويصحى والنصحى بقى ابقى اصلي. فقد تعمد ترك فريضة. واللي بقى

له شهور ما بيصليش فجر. واللي بقى له شهور ما بيصليش ده كبيرة. تتوب الى الله من ايه؟ تتوب الى الله من معاصي المعاملات -
[00:25:30](#)

والاخلاق حد ضحكت عليه. مدرس كلت عليه فلوس زمان. اي حاجة بقى غيبة وما ادراك ما الغيبة! وما ادراك ما الغيبة! ها الكلام
بقى ايه فاكهة المجالس ديت المعاملات المادية الامانة في شغلك كل ده تتوب الى الله من زنوبك في حق الدعوة. ها كعب ابن مالك
تخلف عن تبوك - [00:25:50](#)

واحدة شف حصل له ايه؟ انت تخلفت عن الف تبوك. تتوب الى الله! تتوب من ايه ولا من ايه؟ يبقى انت فكرك بقى ان انت ما انتش
شايف كل المعاصي دي وشايف الطاعات لا ده المؤمن بيص على المعاصي اكثر ما بيص. ها او حاطط اللاتنين قدام عينيه. فبين
الرجاء والايه؟ والخوف - [00:26:10](#)

يبقى ماذا بعد العشر؟ رقم واحد. رقم واحد الغنائم العظمى. ايه اللي تغير في نيتك وفي صدقك؟ ايه خرجت بصاحب بعد كده
خرجت بعمل صالح ايه؟ ايه يا ابني تخطيطك ايه ايه السوابت اللي بقت عندك؟ درس اسبوعي لا يمكن ما احضروش ابدأ -
[00:26:30](#)

في الجامع آآ جلسة مع اخواني لا يمكن افطر فيها. آآ تكبيرة الاحرام لا يمكن اضيعها. ورد عبادة معين لا يمكن اسيبه ايه الثوابت اللي
انت خرجت بها؟ لازم من الوقت تحدد. من الوقت هو تبقى ناوي. لان مرة العشر ليران الله ما - [00:26:50](#)
بعد كده الخروج بالانكسار والتوبة وتجديد التوبة مع الله سبحانه وتعالى. اه اه اخواني واحبابي في الله كيف نودع العشر دي قضية
تانية خطيرة جدا. احنا الوقتي في اخر تمانية واربعين ساعة في عشر ذي الحجة. اخر تمانية واربعين ساعة. ومن سنن الله في
مواسم العبادة - [00:27:10](#)

من سنن الله في مواسم الطاعة ان خواتيم المواسم هي اخطر ما في المواسم. ساعة الاجابة يوم الجمعة هي ايه؟ الساعة الاخيرة
صح ولا لا؟ يبقى اخر ساعة. يبقى في الاخر الحاجة رمضان اخطر ايام في رمضان - [00:27:30](#)
العشر الاواخر. واطر حاجة في العشر الاواخر ليلة القدر. اللي على قول الجمهور اللي السبعة وعشرين. واخر ليلة في رمضان يعتق
الله فيها ان عباده قدر ما اعطى طيلة رمضان كله. دايم الغنائم العظمى بتبقى في الاواخر. الجوايز بقى الجوايز بتبقى في الاخر. في
- [00:27:50](#)

عشر ذي الحجة يوم عرفة اللي هو يوم يوم عرفة اللي هو يوم آآ تسعة ذي الحجة. خذوا بالكم يا جماعة. اعظم صم في عشر ذي
الحجة ايه؟ وفي الدنيا كلها. اول يوم العيد صح اللي هو العاشر. اللي يليه ايه؟ عرفة اللي هو التاسع اللي يليه ايه - [00:28:10](#)
التروية تمانية اللي احنا كنا فيه النهاردة اللي احنا كنا فيه النهاردة اللي خالص هو. يعني اخر تمانية واربعين ساعة في عشر ذي
الحجة هم التمانية واربعين ساعة الاخرانيين. دول اعظم ثواب واعظم - [00:28:30](#)
فضائل واعظم قيمة فيهم. يبقى اللي باقي ده بقى الغنائم العظمى. الفرس بيحي او العداء بيحي في اخر السباق ويحيب اخره
بيموت نفسه. فانت لازم تيجي الوقت في النهاية اوعى تبقى عامل زي اللي جا له ضيف. اهلا اهلا وشاي وقهوة واكل وفجأة. ولما جه
يمشي قال له - [00:28:40](#)

عندك الباب اهو بقى امشي مع السلامة لأ ده انت لازم تحسن الوداع كما احسنت الاستقبال. لازم تجيب اخرك انما الاعمال بالخواتيم
يبقى الجوائز العظمى في الخواتيم والتمانية واربعين ساعة اللي باقين في عشر ذي الحجة هم اخطر تمانية واربعين ساعة في عشر
ذي الحجة. واطر تمانية واربعين ساعة في السنة كلها - [00:29:00](#)

خلصت الضحى اللي جاي علينا ده هو الفجر اللي جاي ده. اعظم جلسة ضحى في السنة كلها. طول السنة كلها. فانت التمانية واربعين
ساعة دول اعظم تمانية واربعين ساعة - [00:29:20](#)

طول السنة الا ما كان من ليلة القدر بث. بس ليلة القدر بس هي اللي تكافى او تزيد طبعاً. فانت عندك تمانية واربعين ساعة في غاية
الخطورة. التعامل معهم بالتانية. اخواني في الله. احنا جايين هنا عشان نقتنص ونفوز بيوم عرفات باذن الله - [00:29:30](#)

سبحانه وتعالى جايين هنا عشان نتمحك في ثواب اهل عرفات وثواب يوم عرفات ليس لاهل عرفات بس ابدأ. اوعوا تظنوا ان ثواب عرفات بفضل اهل عرفات بس بدليل ايه ؟ حد يعرف يجيب لي دليل ؟ حد يعرف يجيب لي حديس يخلص الليلة! ايه! ايوه -
00:29:50

فجزاك الله خيرا ان صيام يوم عرفة يكفر زنوب سنتين. السنة للي واقفين في عرفة ايه؟ الصيام ولا الفطر؟ الفطر يبقى النبي عليه الصلاة والسلام بيكلم مين؟ بيكلم اه بيكلنا احنا. بيكلم الذي لم يدرك عرفات. يبقى اذا ثواب عرفات - 00:30:10
قبل عرفات وللامة وللامة كلها. وللامة كلها كثر خير الله وطاب. عايزين ان شاء الله اليوم بقى الذي يباهي الله به اه اه بعباده الملائكة اليوم الذي يدنو الله فيه اليوم الذي يتجلى الله فيه اكثر يوم تعتق فيه الرقاب من النار. عايزين يوم المغفرة الاعظم ده. عايزين نقنصه ونفوز به - 00:30:30

ان شاء الله بازن الله عندنا برنامج بعد الدرس بازن الله بعد العشاء هيبقى فيه عواميد تربوية زي ما قلنا عواميد فيتبعون احسن بقى اللي هيبقى فيها تحاب وتواصل تبقى السيكشن. اللي هو الكلام العملي. هنخرج بايه؟ ماذا بعد العشر؟ بعد كده ان شاء الله بازن الله هناخد سورة من القرآن. سورة الزخرف بازن - 00:30:50

هيبقى معنا دكتور احمد عبدالمنعم. عايزين نعمل تجربة جميلة قوي بقى. هنصلي بالصورة الاول مع بعض. وبعد كده دكتور احمد يشرحها. وبعد كده تعالوا بقى بعد ما سمعنا شرحان صلي بها تاني. تعالوا اما نشوف فهم القرآن بيفرق في لزة الصلاة قد ايه. تعالوا اما نشوف تعال شف بقى خشوعك - 00:31:10

يكفي ما بعد الشرح وخشوعك فيما قبل الشرع. عشان تعرف ثمرة فهم القرآن في حياتك. بعد كده ان شاء الله يعني معظم الليلة هيبقى راحة خالص ليه؟ لان احنا عايزين نستعد ليوم بكرة بازن الله سبحانه وتعالى. يعني هيبقى بقى الايه؟ الوتر بعد الصحيان والسحور وكده خفيف. ومن اول - 00:31:30

اول الفجر بقى بازن الله هنبداً في برنامج تعبدي قدر الوسع بازن الله نراوح ما بين الثناء والدعاء وهيبقى فيه نوم طبعاً قبل الظهر بازن الله سبحانه وتعالى. يعني هيجي لنا دكتور غريب رمضان قبل الضهر ان شاء الله. وهيجي لنا يعني ايه بعض اخوانا كده والكلمات هتبقى قصيرة. عشر دقائق ربع ساعة - 00:31:50

قصيرة والوقت الاطول للدعاء. لان يوم عرفة اطول دعاء في السنة. النبي عليه الصلاة والسلام يوم عرفة رفع ايده بعد الضهر ما نزلهاش غير اذان المغرب رفع ايده بعد الضهر ما نزلهاش غير المغرب. اطول دعاء في السنة حوالي ست ساعات متواصل. النبي رفع ايده كده ما نزلتش. اطول دعاء - 00:32:10

فغدا يوم الدعاء. غدا يوم الدعاء غدا يوم الدعاء. ربنا يحفظكم يا اخواني. ربنا يبارك فيكم. عايزين نجدد العزم. عايزين نشحذ الهمم عايزين نقوم لله قومة كده ان شاء الله. وزى ما قلنا الغنيمة العظمى في عرفات ايه؟ ها؟ يلا عشان نخلص. الغنيمة العظمى في عرفات ايه - 00:32:30

تقديم النية. غنيمة العظمى في عرفات تجديد النية. انك تنوي ان عرفات بداية. ده بداية يا رب. في علاقتي بك رقم اتنين ان احنا مش هنخرج من هنا غير لما نكون اتعرفنا على بعض بازن الله سبحانه وتعالى وعرفنا بعض كويس عشان يبقى صحبة حقيقية في الله. صحبة معرفة الناس كنوز - 00:32:50

الملتزمين كنوز واعظم من الكنوز كمان. رقم ثلاثة العمل الصالح بقى الرهيب. ولا ننسى الدعاء العظيم بازن الله يوم عرفة. اللهم تب علينا لتتوب. اللهم تب علينا توبة لا نرد على اعقابنا بعدها ابدأ. اللهم تب علينا توبة نصوحة. اللهم تب علينا توبة ترضى بها عنا -
00:33:10

اللهم يا ارحم الراحمين. اللهم اعنا على ذكرك وشكرك وحسن عبادتك. اللهم اعنا على ذكرك وشكرك وحسن عبادتك اللهم قوي في رضاك عزمنا. اللهم الف بين قلوبنا على طاعتك وابتغاء مرضاتك. اللهم استعملنا ولا - 00:33:30
اللهم استعملنا ولا تستبدلنا. اللهم استعملنا ولا تستبدلنا. اللهم طهر قلوبنا وزكي نفوسنا. وايدنا من لدنك يا رب رب العالمين انك ولي

ذلك والقادر عليه. سبحانك اللهم وبحمدك اشهد ان لا اله الا انت. استغفرک واتوب اليك - 00:33:50

- 00:34:10